

古

今

譚

槩

談資部第二十九目錄

李先主雪令

卦名令

二十八宿令

賈平章令

韓襄毅公令

陳祭酒令

梅郭二令相同

計二條

劉端簡公令

沈石田令

高麗僧令

都憲令

羅狀元令

四書令

薛濟令

各言土產

仙對

鬼對

高則成

蔣濟

楊大年對

李空同對

唐狀元對

五字一韻對

計二條

馮損之對

董通判對

陸采對

于肅愍對

呂升對

莫廷韓對

泰輿令對

俗語對

計二條

重字對

計二條

金用元對

三光日月星

劉季孫

戴大賓對

隨口對 計二條

蔡霞山對

孫臨對

世宗朝長對

朱雲楚

效對

古人姓名謎 計二條

燈謎

陳亞謎

辛未狀元謎

招飲答謎

開元寺

大明寺

皇華驛

願聖之謎

祝枝山謎

談資部

子猶曰、古人酒有令、句有對、燈有謎、字有離合、皆聰明之所寄也、工者不勝書、書其趣者、可以侈目、可以解頤、集談資第二十九

○李先主雪令

李先主

南唐烈祖李昇

欲諷動僚屬、雪天大會、出一令、借雪取

古人名、仍詞理通貫、時宋齊丘徐融在坐、昇舉盃爲令曰、雪下紛紛、便是白起、齊丘曰、着屐過街、必須雍齒、融意欲挫昇、遽曰、明朝日出、爭奈蕭何、昇大怒、是夜收融

投於江、自是惟齊丘與謀

○卦名令

蘇子瞻倡酒令、以兩卦名證一故事、一人云、孟嘗門下三千客、大有同人、一人云、光武兵渡滹沱河、既濟未濟、一人云、劉寬婢羹汚朝衣、家人小過、蘇云、牛僧孺父子犯罪、先斬小畜、後斬大畜、蓋爲荆公父子云

○二十八宿令

東坡謂佛印起令曰、要頭是曲名尾是二十八宿、四箇字不閒、東坡曰、黃鸝兒、撲蝴蝶、不着、虛張尾翼、佛印應

聲答曰、二郎神遠佛間、想是鬼奎危舉。

○賈平章令

咸淳中、賈平章似道、宴馬丞相延鸞、江丞相萬里、賈舉
令曰、我有一局碁、寄與洞中仙、洞中仙不受云、自出洞
來、無敵手、得饒人處且饒人、洞中仙曲名、下二句、古詩
也、馬云、我有一漁竿、寄與漁家傲、漁家傲不受云、夜靜
水寒魚不餌、滿船空載月明歸、江云、我有一犁鋤、寄與
使牛子、使牛子不受云、且存方寸地、畱與子孫耕、蓋譏
似道也。

○韓襄毅公令

韓襄毅公雍與夏公墳飲各出酒令公欲一字內有大
人小人復以諺語二句證之曰傘字有五人下列衆小
人上侍一大人所謂有福之人人伏事無福之人伏事
人夏云爽字有五人旁列衆小人中藏一大人所謂人
前莫說人長短始信人中更有人

○陳祭酒令

雲間陳祭酒詢每酒酣耳熱有不平事及人有過輒面
發之在翰林時忤一權貴出爲州同同僚餞行有倡酒

令、各用二字分韻相協、以詩書一句結之、陳學士循云、
轟字三箇車、余斗字成斜、車車車、遠上寒山石徑斜、高
學士穀云、品字三箇口、水酉字成酒、口口口、勸君更盡
一盃酒、又一人云、犇字三箇牛、田壽字成疇、牛牛牛、將
有事乎田疇、陳云、轟字三箇直、黑出字成黝、直直直、馬
往而不三黝、合席大笑

○梅郭二令相同

蜀人杜渭江

朝紳

令麻城、居官執法、不敢干以私、一日宴

鄉紳、梅西野倡令、要拆字入俗語二句、梅云、單奚也是

奚加點也是溪、除却溪邊點、加鳥却爲鷄、俗語云、得志
貓兒雄似虎、敗翎鸚鵡不如鷄、毛石崖云、單青也是青、
加點也是清、除却清邊點、加心却爲情、俗語云、火燒紙
馬鋪、落得做人情、杜答云、單相也是相、加點也是湘、除
却湘邊點、加雨却爲霜、俗語云、各人自掃門前雪、莫管
他家瓦上霜、又云、單其也是其、加點也是淇、除却淇邊
點、加欠却爲欺、俗語云、龍居淺水遭鯢戲、虎落平洋被
犬欺

蘇州錢兼山郭劍泉二宦初甚相善、晚以小嫌成訟、袁

節推斷之、未服、某官置酒解和、并邀袁公、郭爲令曰、良字本是良、加米也是糧、除却糧邊米、加女便爲娘、語云、買田不買糧、嫁女不嫁娘、蓋有所刺也、錢曰、其字本是其、加水也是淇、除却淇邊水、加欠便成欺、語云、馬善被人騎、人善被人欺、袁曰、禾字本是禾、加口也是禾、除却和邊口、加斗便成科、語云、官無悔筆、罪不重科、某官執酒勸曰、工字本是工、加力也是功、除却功邊力、加糸便成紅、語云、人無千日好、花無百日紅、

○劉端簡公令

古亭劉端簡公居鄉邑大夫或慢之值宴會端簡公出
令佐酒各用唐詩一句附以方言上下相屬劉云一枝
紅杏出牆來見一半不見一半含有譏意一士夫云旋
斫松柴帶葉燒熱竈一把冷竈一把邑大夫云杖藜扶
我過橋東我也要你我也要我一時喧傳以爲絕唱
一說又云隔斷紅塵三十里你也看不見我我也看
不見你解之者曰點溪荷葉疊青錢你也使不得他
也使不得

○沈石田令

沈石田文衡山陳白陽王雅宜遊飲虎丘千人石上時
中秋、月色大佳、石田行令云、取上一字、下拆兩字、字義
相協、倡云、山上有明光、不知是日光、月光、文云、堂上掛
珠簾、不知是王家的、朱家的、陳云、有客到館驛、不知是
舍人官人、王云、半夜生孩兒、不知是子時、亥時、各賞大
觥

○高麗僧令

高麗一僧陪宴朝使、戲行一令曰、張良、項羽、爭一傘、良
曰、涼傘、羽曰、雨傘、朝使信口曰、許由、龍錯、爭一葫蘆、由

曰油葫蘆錯曰醋葫蘆

○都憲令

有鎮邊都憲與兵官不合都憲於酒席間出令云天上
有天河地下有蕭何蕭何手裏持一本律口稱犯法之
事莫做發病之物莫喫有所指於兵官也兵官云天上
有太陽地下有張良張良手裏持一把劍口稱鋼刀雖
快不斷無罪之人時一太監在坐欲爲分解卽云天上
有雲山地下有寒山寒山手裏持一把掃箒口稱各人
自掃門前雪莫管他家瓦上霜遂一笑而散

○○羅狀元令

豫章詩話云、羅狀元念菴與鄒公某公有寺觀之集、鄒指塑像出、令曰、祖師買巾、價只要輕、以是買不成、披髮到於今、某曰、玉皇買傘、價只要減、以是買不成、頭頂一片板、羅曰、觀音買鞋、價只要捱、以是買不成、赤脚上蓮臺、

○○四書令

有人爲令云、子路百里負米、不知是熟米、糙米、若是熟米、子路不對、若是糙米、子路請禱、一人云、子路宿於石

門。不。知。開。門。開。門。若。是。開。門。由。也。升。堂。若。是。開。門。子。路。拱。而。立。

○薛濤令

薛濤辨慧，有黎州刺史作千字文令，帶魚禽鳥獸，乃曰：有虞陶唐，濤曰：佐時阿衡，其人謂語中無魚鳥，行罰。薛曰：衡字內有小魚字，使君有虞陶唐，都無一魚，坐客大笑。又高駢鎮成都，命濤爲一字令，曰：須得一字象形，又須逐韻。高曰：口有似沒梁斗，濤曰：川有似三條條，節度曰：如何一條曲，濤曰：相公爲西川節度使，尚使一沒梁。

斗、至、於、窮、酒、佐、三、條、椽、內、一、條、曲、又、何、足、怪、

○各言土產

昔周益公洪容齋嘗侍壽皇宴因談肴核上問洪卿鄉里所產洪番陽人也對曰沙地馬蹄鼈雪天牛尾狸又問周周廬陵人也對曰金柑玉版筍銀杏水晶葱上吟賞又問一侍從忘其名浙人也對曰螺頭新婦臂龜脚老婆牙四者皆海鮮也上爲之一笑

昔人以四海習鑿齒彌天釋道安及雲間陸士龍日下荀鳴鶴爲美談當是創者易爲工耳

○○仙對

江西有提學出對云、風擺樓欄、千手佛搖摺疊扇、諸生
不能應、乃相與所驚、仙降書、自稱李太白、對云、霜凋荷
葉、獨脚鬼戴逍遙巾、

刑部郎中黃暉亦嘗召仙、令對、羊脂白玉天、訖云、嘗
出丁家巷田夫口、公明日往試之、其一耕者鋤土甚
力、問此何土、耕者曰、此鱗血黃泥土也、公大嗟異、他
如雪消獅子瘦、月滿兔兒肥、七里山塘、行到半塘三
里半、九溪蠻洞、經過中洞五溪中、菱角三尖、鐵裹一

團白玉、石榴獨蒂、錦包萬顆珍珠、背覩仙筆、可稱名對

又相傳有俗對云、塔頂葫蘆、尖捏拳頭、捷白日、城頭箭垛、倒生牙齒、咬青天、亦工而可笑

○鬼對

舊一舉子旅店中聞樓下一人出對云、鼠偷蠶繭、渾如獅子拋毬、思之不能對、至死、魂常往來樓中、誦此對人不敢止、後一舉子強欲上樓、夜中果有誦此對者、乃對曰、蟹人魚骨、却似蜘蛛結網、怪遂絕響

一說對云、獨立溪橋、人影不隨流水去、孤眠野館、夢魂常到故鄉來、

○○高則成

高則成六十七歲、穎異不凡、鄰有尚書某、緋袍出送客書、適目塾歸、時衣綠衣、尚書呼語之曰、出水蛙見穿綠襖、美目盼兮、高應聲曰、落湯蝦子著紅衫、鞠躬如也、尚書大驚、異稱爲奇童、

○○蔣濤

蘇郡蔣濤、幼聰慧、善對、一日有父執武弁者、同遊佛寺、

指殿上三佛出對曰三尊大佛坐獅坐象坐蓮花。濤對曰一介書生攀鳳攀龍攀桂子。既出寺其部軍牽濤衣問適間本官出何對。濤以所出告之又問汝對若何。濤曰我對一箇小軍偷狗偷猫偷芥菜。

濤對多可採者如三跳跳下地一飛飛上天。凍雨洒應東二點西三點切糕分客上七刀下八刀皆精切。

○楊大年對

舊學士院壁間有題云李陽生指李樹爲姓生而知之久無對者。楊大年爲學士乃對云馬援死以馬革裹屍。

死而後已

○○李空同對

李空同督學江西有士子適同其姓名公呼而前曰汝
不聞吾名而敢犯乎對曰名命於父不敢更也公思久
之曰我且出一對試汝能對猶可恕也曰蘭相如司馬
相如名相如實不相如其人思不久輒應曰魏無忌長
孫無忌彼無忌此亦無忌公笑而遣之

○○唐狀元對

唐臯以翰林使朝鮮其主出對云琴瑟琵琶八大王一

般頭面、臯卽對云、魍魎魍魎、四小兒各自肚腸、主大駭服

○○五字一韻對

邊尚書貢繼妻胡氏、能通書義、邊多侍姬、胡嘗反目、一日宴客、客舉令曰、討小老嫂惱邊不能對、胡以片紙書想娘狂郎忙、五字云何、不以此對之、坐客大笑

徐晞爲郡吏日、偶隨守步庭堦中、見一鹿伏地、守得句云、屋北鹿獨宿、晞應聲曰、溪西雞齊啼、守大驚異、遂不以常禮遇之

○馮損之對

慈谿馮益字損之其叔爲僧益往訪之叔戲出對曰荷
葉荷花似青涼傘蓋佳人之粉面對曰瓠藤瓠子如黃
麻繩繫和尚之光頭

○董通判對

常州府同知吳通判董至無錫飲紅白酒而醉吳出對
云紅白相兼醉後不知南北董云青黃不接貧來賣了
東西

○陸采對

東郊巡按蘇松、刷卷許御史戲云、北臺東御史、西人巡、按南方、東不能屬、陸公采私爲對云、冬官夏侍郎、春日辦完秋稅、又李空同在江西、有對云、孤雁渡江、顧影徘徊、如得偶、人不能對、陸云、老翁照鏡、鑒形彷彿似傳神、

○于肅愍對

于肅愍諱公幼時、其母梳其髮爲雙角、日遊鄉校、僧人蘭古春見之、戲曰、牛頭喜得生龍角、公卽對曰、狗口何曾出象牙、僧已驚之、公回對母曰、今不可梳雙髻矣、他日古春又過學館、見于梳成三角之髻、又戲曰、三角如

鼓架公又卽對曰、一禿似雷榘、古春遂語其師曰、此兒
救時之相也、集註載古
春爲此

○呂升對

楊季任僉浙憲時、見數童從社學歸、中一生手抱書囊
而戲、季任召至前、見其秀異、出對曰、童子六七人、無如
爾狡、生應聲曰、太守二千石、莫若公、其尾一字不言、且
請賞、許之、乃曰、莫若公廉、季任詰之曰、設不賞、云何、答
曰、莫若公貪、季任大奇之、生名呂升、官
至江西僉憲

○莫廷韓對

屠赤水與莫廷韓一日遊顧園酒酣屠偶吟云簷下蜘蛛一腔絲意莫信口云庭前蚯蚓滿腹泥心

○泰興令對

泰興令胡瑤嬖一門子忽見一椽挑之與密語以爲嫌問緣何語椽急遽曰渠是小人表弟語家事耳令卽出一對曰表○弟○非○表○兄○表○子○汝○能○對○免○責○椽○應○聲○曰○丈○人○是○丈○母○丈○夫○令○笑○而○觴○之○以○酒○此○令○猶○能○惜○才○

○俗語對

一布政守官盡職、不求汲引、執政失於遷擢、入覲時回鄉人爲侍郎者、餞之、因邀同部會飲、中一人見止布政一客、戲出對曰、客少主人多、衆未及應、布政遽曰、某有一對、諸大人幸勿見罪、乃對曰、天高皇帝遠、衆愕然、他如狗毛雨、雞脚冰、口串錢、脚寫字、掘壁洞、開天鹽、立地變、報天知、將見將人、喫人、護見狗、拋娘雞、伸後脚、討饒頭、賊摸笑、鬼見愁、半纜脚、直撻頭、奶婆種、長工坯、下鑊漲、上場渾、眼裏火、耳邊風、趕茶娘、偷飯鬼、將脚屋、瀉肚街、王姑李、郁婆薑、長脚狗、矮忒豬、開路

神壓壁鬼、硬頭皮、老腳底、扳短梯、使暗箭、一脚箭、兩
面刀、坐壇邊、將排門起夫、剗肉做瘡、忍屎湊飽、酒肉
兄弟、柴米夫妻、三燈火旺、六缸水渾、兩手脫空、四柱
着實、將酒勸人、賠錢養漢、灰勃六禿、泥拌千秋、大話
小結果、東事西出頭、貓口裏挖食、虎頭上做窠、鍾馗
捉小鬼、童子拜觀音、口甜心裏苦、眼飽肚中饑、吹鼓
打喇叭、喫燈看圓子、捏鼻頭做夢、挖耳聾當招、板板
六十四、擲擲么二三、好心弗得好報、癡人自有癡福、
看孤山、守白浪、喫家飯、阿野屎、東手接來西手去、大

船撐在小船邊、強將手下無弱兵、死人身邊有活鬼、
缺、嘴、口、裏、咬、跳、蟲、鬚、鬚、頭、上、拍、蒼、蠅、好、漢、喫、拳、弗、叫、
痛、敗、子、回、頭、便、做、家、茶、弗、來、酒、弗、來、那、得、山、歌、唱、出、
來、爺、在、裏、娘、在、裏、搓、條、麻、繩、縛、在、裏、俱、稱、絕、對、

陳啓東善屬對、嘗思的頸葫蘆四字未就、方浴而得之、
曰、空、心、蘿、蔔、天、生、語、也、喜、而、躍、浴、盤、頓、破、

○○重字對

陳啓東訓導分水、一人題橋上云、分水橋邊分水喫、分、
分、分、開、啓、東、過、而、見、之、對、曰、看、花、亭、下、看、花、回、看、看、看、

到皆其地名也

國初有某解元及第後偕伴至妓館妓知其才名欲試之乃淪茶止一甌而三分之以進曰三分茶解解解元之渴卽應聲曰一朝朝罷行行行院之家

○金用元對

蘇士金用元每嘲人詩歌俳語頃刻立就爭相傳笑一日在文內翰家浪譌蒙師潘溫曰吾有一語能對甘侮曰王大。夫。昆。季。築。牆。一。土。蔽。三。人。之。體。金卽曰潘。先。生。父。子。沐。髮。番。水。灌。兩。牛。之。頭。滿。座。大。笑

○三光日月星

元祐初、東坡復除翰林學士、充館伴北使、遼使素聞其名、思以奇困之、其國舊有一對曰、三光日月星、無能屬者、首以請於坡、坡唯唯、謂其介曰、我能而君不能、亦非所以全大國之體、四詩風雅頌、天生對也、盍先以此復之、介如言、使方歎愕、坡徐對曰、四德元亨利、使雖肝欲起辨、坡曰、而謂我忘其一耶、謹闕而舌、兩朝兄弟邦、卿爲外臣、此固仁祖之廟諱也、使出其不意、大駭服、近張切于以六脉寸關尺對、亦佳

震澤吳聞之翰林善作對每言日月星爲天文門風
雅頌殊爲假借更對云一陣風雷雨見者謂有神助
又舊對新月如弓殘月如弓上弦弓下弦弓朝霞似
錦晚霞似錦東川錦西川錦吳謂上下弦用曆語東
西川殊不類更對云春雷似鼓秋雷似鼓發聲鼓收
聲鼓蓋曆有雷始發聲雷乃收聲語也

○劉季孫

王荆公常舉書句語劉季孫曰念茲在茲釋茲在茲名
言茲在茲有何可對季孫應聲曰揭諦揭諦波羅揭諦

波羅僧揭諦、安石大笑

○戴大賓對

戴大賓八歲遊泮、主師指廳上椅屬對云、虎皮褥蓋學士椅、卽對云、兔毫筆寫狀元坊、主師大奇之、十三中鄉試、有貴公來謁其父、見戴戲庭側、尚是一嬰稚、以爲業童子執也、出一對曰、月圓卽應曰、風匾、問風何嘗匾、曰、側縫皆入、不匾何能、又出一對曰、鳳鳴卽應曰、牛舞、問牛何嘗舞、曰、百獸率舞、牛不在其中耶、貴公大加歎賞、詢之、卽大賓也、已成鄉舉矣、對語皆含刺云

○○隨口對

文皇嘗謂解學士曰、有一書句甚難其對曰、色難解、應聲曰、容易。文皇不悟、顧謂解曰、既云易矣、何久不屬對、解曰、適已對矣、文皇始悟、爲之大笑。

李西涯居政府時、庶吉士進謁、有言閣下李先生者、公聞之、既相見、因曰、請諸君屬一對、云、庭前花始放、衆疑其太易、轉思未工、各沈吟間、公曰、何不對閣下李先生、相贊而笑。

○蔡霞山對

蔡霞山督學楚中、行部試士、見一生坐小舟讀書、蔡呼
生至、令其屬對曰、未明求衣、生未答、蔡曰、何不對臨渴
掘井、

○孫臨對

韓玉汝治秦州、尚嚴人語曰、寧逢暴虎、莫逢韓玉汝、孫
臨滑稽尤善對、或問曰、莫逢韓玉汝、當何以對、臨應聲
曰、何怕李金吾、聞者賞之、

○世宗朝長對

世宗皇帝脩玄學士爭獻清詞爲樂、時遠方有獻靈龜

者。上自出對云、赤水靈龜雙獻瑞、天數五、地數五、五
五、二十五數、數數合於道、道號元始天尊、一誠有感、一
詞臣對云、丹山彩鳳兩呈祥、雌聲六、雄聲六、六六三十
六聲、聲聲聞於天、天生嘉靖皇帝、萬壽無疆。上喜甚、
厚賚之。

○朱雲楚

賴妓朱雲楚子卿、警慧知書、趙時逢遜可爲守、嘗會客
果實有炮栗、趙指之曰、栗綻縫黃兒、坐客屬對、皆莫能
楚、賴曰、妾有對、取席間藕片以進曰、藕斷露絲飛、趙大

奇之見談藪

○妓對

有郡丞席上作對屬云酒熱不須湯盞湯一妓對曰廳涼無用扇車扇見文酒清話

○古人姓名謎

元祐間士夫好事者取達官姓名爲詩謎如長空雪霽見虹霓行盡天涯過帝畿天子手中執玉簡秀才不肯着麻衣謂韓絳馮京王珪曾布也又取古人而傳以今事如人人皆戴子瞻帽君實新來轉一官門狀送還王

介甫路公身上不曾寒。謂仲長統司馬遷謝安石溫彥博。

佳人伴醉索人扶。露出胸前白玉膚。夏入帳中尋不見。任他風雨滿江湖。隱賈島李白羅隱潘閔名謎。

○燈謎

十謁朱門九不開。滿頭風雪却回來。歸家懶覩妻兒面。撥盡寒爐一夜灰。一藥名常山砒霜狼毒焰硝一病名喉閉傷寒暴頭火丹。

○陳亞謎

陳亞自爲亞字謎曰。若教有口便亞。且要無心爲惡。中間全沒肚腸。外面任生稜角。

○辛未狀元謎

辛未會試江陰袁舜臣作謎詩於燈上云。六經蘊籍胸中久。一劍十年磨在手。杏花頭上一枝橫。恐洩天機莫露口。一點纍纍大如斗。掩却半牀何所有。完名直待掛冠歸。本來面目君知否。惟蘇州劉城一見能識之。乃辛未狀元四字。

○招飲答謎

古今詩格有遺書招客云、板戶公堂、斫脚露喪、答云斑
犬良賦、趨龜空肚、板戶木門、開字公堂、官舍、館字、斫脚
斬足、蹇字、露喪尸出、屈字、謂開節蹇屈也、斑犬、文荀敬
字、良賦、尚田、當字、趨龜、走卜、赴字、空肚、欠食、飲字、謂敬
當赴飲也。

○開元寺

乾符末、有客寓廣陵開元寺、不爲僧所禮、題門而去、題
云、龕龍去東涯、時日隱西斜、敬文今不在、碎石入流沙、
僧衆皆不解、有沙彌知爲謗語、是合寺苟卒四字。

○大明寺

今狐相鎮淮海日嘗遊大明寺見西壁題云一人堂堂
二曜同光泉深尺一點去水傍二人相連不欠一邊三
梁四柱烈火然除却雙鉤兩日全諸賓幕莫辨有支使
班蒙曰一人大字二曜者日月明字也尺一者十一寸
非寺字乎水去點爲水二人相連天字不欠一邊下字
三梁四柱而烈火無字兩日除雙鉤此字也是言大明
寺水天下無比

○皇華驛

博異記云、廣州押衙崔慶成抵皇華驛、夜見美人、鬼也、
擲書云、川中狗、百姓眼、馬撲兒、御厨飯、慶成不解、後丁
晉公曰、川中狗、蜀犬也、百姓眼、民目也、馬撲兒、瓜子也、
御厨飯、官食也、乃獨眠孤館。

○○顧聖之謎

吳人顧聖之作一謎云、兩頭兩頭、中間兩頭、兩頭大、兩
頭小、兩頭破、兩頭好、兩頭光、兩頭草、兩頭豎、兩頭倒、乃
二僧兩頭宿也。

○祝枝山謎

祝枝山學佛語作又袋謎云無佛不開口開口便成佛
盤多羅詰多羅破多利多佛多難陀

徵詞部第三十目錄

凌陽臺

支解人

枉死人面

油衣

抽稅

使宅魚

臣書帝書

徘徊

二勝環

餽飽不熟

當十錢

芭蕉

阿丑

和嶠

李緯鬚

三百里湖

李西涯

文潞公

錫匠詩

遠志

兎州

刺嚴相

題何吉陽軸

二相公廟

荆公水利

蝗蟲感德

刺章子厚

夏言

神童

東玉

衣金紫

諱出外

清涼散

東薪監察

不語唾

元稹

有氣力

泰山之力

安石配享

鑽彌遠

孔門弟子

韓偓胄

計二條

五經題

頭場題

鍾庸大鶴

刺大言

計二條

一片白雲

半日間

送吏部郎

孫鳳洲詩

照樣應容菴

惜人品

元祐錢

善天文

動手

趙良臣

江棗羅剌時語

割碑

道餘錄

計二條

明文 天話

鞋底

恥見妻子

羅隱不第

腹負

書午字

納粟

邊面

太平幸民

庾亮

叢公厲禁

六千兵

預借

如已賜周公

滕甫類虞舜

馬希聲

鴛鴦樓

妖鳥啼春

河豚膾本

元欽師

棘刺丸

刺醫

光福地

陸念先

張伯起

舜禹詩

忠孝奴

鄉老墾荒

三星

洗兒詩

打甲帳

寓言

五條

微詞部

子猶曰、人之口、含陰而吐陽、陽也、而陰用之、則違之、而非規、抑之、而非謗、刺之、而非怨、嫉之、而非仇、上可以代虞人之箴、而下亦可以當輿人之誦、夫是非與利害之心、交明、其術、不得不出乎此、余於春秋定哀之際、三致意焉、集微詞第三十

○○凌陽臺

陳惠公大城、因起凌陽之臺、未終而坐法死者數十人、又執三監吏、孔子適陳、聞之、見陳侯、與俱登臺而觀焉、

孔子曰、美哉臺也、賢哉王也、自古聖王之爲城臺焉、有不戮一人而能致功若此者、陳侯陰使人教所執吏、見孔叢子

○○支解人

齊景公時、民有得罪者、公怒、縛至殿下、召左右支解之。晏子左手持頭、右手持刀而問曰、古明主支解人從何支始、景公離席曰、縱之。

按左傳、時景公煩刑、有鬻踊者、踊則者所用公問晏子曰、子之居近市、知孰貴賤、對曰、踊貴履賤、公悟、爲之省。

刑此諷諫之師滑稽之首也

○枉死人面

劉玄佐鎮汴嘗以譏怒欲殺軍將翟行恭無敢辨者處
士鄭涉能諧隱見玄佐曰聞翟行恭抵刑付屍一觀玄
佐怪之對曰嘗聞枉死人面有異一生未識故借看耳
玄佐悟乃免

○○油衣

高宗出獵遇雨問諫議大夫谷那律魏州人淹議事書
庫曰油衣若爲不漏對曰以瓦爲之則不漏上因此不

復出獵

○抽稅

南唐時、關司斂率繁重、商人苦之、屬畿甸亢旱、烈祖宴於北苑、謂羣臣曰、外境皆雨、獨不及都城、何也、申漸高曰、雨不敢入城、懼抽稅耳、烈祖大笑、卽除之

○使宅魚

錢氏時、西湖漁者日納魚數觔、謂之使宅魚、有不及數者、必市以供、頗爲民害、羅隱侍坐、壁間有磻溪垂釣圖、武肅指示隱索詩、隱應聲曰、呂望當年展廟謨、直鉤釣

國更誰如。若教生在西湖上，也是須供使宅魚。武肅王大笑，遂蠲其征。

○臣書帝書

齊高帝嘗與王僧虔書畢，帝曰：「誰爲第一？」僧虔曰：「臣書臣中第一。」陛下書，帝中第一。帝大笑曰：「卿善自謀。」

○徘徊

仁宗賞花釣魚宴，錫詩，館閣侍從和篇，皆押徘徊字。詩罷，就坐教坊進雜劇，爲數人尋稅第者，詣一宅觀之。至前堂，觀既不去，問其所以，曰：「徘徊也。」又至後堂東西序，

復然問之則又曰徘徊也其一人笑曰可則可矣但未免徘徊太多耳

○二勝環

紹興初楊存中在建康諸軍之旗中有雙勝交環謂之二勝環取兩官北還之意因得美玉琢成帽環以進高廟日常御裏偶有一伶人在傍高宗指環示之此楊太尉進來名二勝環伶人接奏云可惜二勝環俱放在腦後高宗爲之改色此所謂工執藝事以諫者也

一說伶人作參軍坐椅上忽墜幞頭見雙環詰之答

曰此二勝環一人朴其首曰汝但坐太師椅乞恩澤足矣二聖環且丟腦後可也蓋以譏檜云

○餽飽不熟

高宗時賽人淪餽飽不熟下大理寺優人扮兩士人相貌各問其年一曰甲子生一曰丙子生優人告合下大理帝問故優人曰餽子餅子皆生與餽飽不熟者同罪耳上大笑赦原賽人

○當十錢

宣和間用當十錢伶人以爲當十錢買水者水一盃一

錢於是必令飲十盃。至於委頓上見之笑遂廢不用。

○芭蕉

宣和間樂部焦德以諧謔被遇時借以諷諫一日從幸禁苑上指花竹草木以詢其名德曰皆芭蕉也上詰之對曰禁苑花竹皆取於四方道里遠涉巴至上林則已焦也上大笑

○阿丑

成化末刑政多頗阿丑於上前作六部差遣狀命精擇之一人云姓公名論主者曰公論如今無用一人曰

姓公名道主者曰公道如今難行後一人曰姓胡名塗
主者曰胡塗如今儘去得

中官阿丑每於上前作院本時王越陳鉞媚汪直結
爲死黨丑作直持雙斧趨踰而行或問故曰吾將兵惟
仗此兩鉞耳問鉞何名曰王越陳鉞也

○和嶠

和嶠爲武帝所親重語嶠曰東宮頃似差進卿試往看
還問何如答曰皇太子聖質如初

○李緯鬚

唐太宗以李緯爲民部尚書、會有自京師來者、帝曰、玄齡聞緯爲尚書、謂何、曰、惟稱緯好鬚、無他語、帝遽改太子詹事。

○三百里湖

南唐馮謐嘗對諸閣老言及玄宗賜賀知章三百里湖事、因曰、他日賜歸、得宗武湖二十里足矣、徐鉉答曰、主上尊賢下士、豈愛一湖所乏者、賀知章耳、衆大笑。

○刺李西涯

夏白作壽藏記、李西涯戲云、天下皆如公、翰林文

章無用也。公曰：先生輩文章宜記大功德者，予何敢相累哉。蓋西涯先爲劉瑾作碑文，公嘲之也。

正德間，大臣議攻劉瑾，李西涯俛首不語。後劉健謝遷被斥，李祖道涕泣，劉曰：「當日出一語，不用今日泣也。」又

呂柟斥回，陸完亦祖道相送。陸曰：「公去矣，予亦將行。」呂曰：「如真去，我在三十里外相候。」或作呂柟陸完事誤

○文潞公

文潞公八十四再起，時學士鄭穆表請致仕，劉貢父爲給事中，問同舍曰：「鄭年若干？」答曰：「七十三。」劉遽云：「莫遂。」

其讀且畱取伴八十四底、潞公聞之、甚不懌、

○鋸匠詩

趙東山里中有二執友、其一因投荒過家、其一以磨勘
需調、皆栖栖桑榆、猶戀雞肋者、一日同訪東山、見庭下
有鋸匠解木、因以命題、東山口占絕句曰、一條黑路兩
人忙、旁晚相看鬢已霜、你去我來何日了、虧他扯拽度
時光、二執友知詩意、諷已、相與感歎罷去

、連志

謝公始有東山之志、後就桓公司馬、會有餉桓公藥中、

有遠志。桓取以問謝。此藥又名小草。何一物有二稱。謝未及答。郝隆在坐。應聲曰。此甚易解。處則爲遠志。出則爲小草。謝有愧色。

李卓老云。郝言誤矣。宜云。處則爲小草。出則爲遠志。

○兔冊

馮道形神庸陋。及爲宰相。士人多笑之。劉岳與任贊偶語。見道行而復顧。贊曰。新相迴顧何也。岳曰。定見忘持兔冊來。北中村墅多兔。圖冊訓蒙。以是譏之。冊乃後唐文體亦并

俚語。但家藏一本。人多踐之。

道聞斯語、因授岳秘書監、贊散騎常侍、蓋精於黃老者、

刺嚴相

世廟時、宮中嘗見鬼、多手多目、以問張真人、張不能對、
武以王元美博識、往詢之、元美曰、何必博識、大學云十
目所視、十手所指、是說甚麼、蓋刺嚴相也、嚴聞而銜之、
○○題何吉陽軸

何吉陽遷故與黃庠士某以學問友善、吉陽巡撫江西
過家、集青衫來謁、門者不卽爲通、因散步堂上、環視壁

間懸軸其首則嚴分宜筆也遂索前刺書一絕曰椒山
已死虹塘謫天下誰人是介翁今日華堂誦詩草始知
公度却能容囑門者投之遽拂衣去吉陽得詩自慚亟
遣追之舟去遠矣

○二相公廟

韓持國兄弟皆拜相客欲扁其堂爲三相俄持國罷相
東坡戲之曰今只可云二相公廟矣

有朱福二相公廟甚靈

○荆公水利

王介甫爲相大謀天下水利劉貢父常造之值一客獻

策曰梁山泊沃而涸之可得良田萬頃但未擇得利便之地貯許水耳介甫傾首沉思貢父抗聲曰此甚不難介甫欣然以爲有策遽問之曰別穿一梁山泊則足以貯此水矣介甫大笑遂止

○蝗蟲感德

王荊公罷相出鎮金陵時飛蝗自北而南江東諸郡皆有之百官餞王於城外劉貢父後至追之不及見其行榻上有一書屏因書一絕以寄之云青苗助役兩妨農天下嗷嗷怨相公惟有蝗蟲偏感德又隨車騎過江東

○刺章子厚

章子厚生辰會客門人林特以詩爲壽客指誦德處工
特頗不平忽曰昔有令畫工傳神以其不似命別爲之
凡三四易畫工怒曰若畫得似是甚模樣滿席烘然
蘇長公在惠州天下傳其已死後七年北歸時章丞相
方貶雷州東坡見南昌太守葉祖洽葉問曰世傳端明
已歸道山今尚爾遊戲人間耶坡曰途中見章子厚乃
回反耳

○夏言

夏言在禮部時、內閣惟李時一人、夏日夕望入閣、脩九廟、甃甃甃不堪者、皆運積東長安街側、多爲有力者潛取用、李時偶與郭武定、鄖言甃、甃類、舊皆滿目、今何其零落、郭笑曰、孰敢竊、皆夏宗伯搬去、禮部甃以望內閣耳、言雖戲、實得夏心、是年冬、夏遂入閣

○神童

趙司寇乃費閣老同年、每投謁、書年晚生、屠應峻曰、趙老真神童、人問其故、云費鶴湖二十作狀元、年最少、今渠稱年晚生、非神童而何

○東玉

嘉靖間、席都御史書以議大禮稱旨、擢禮部尚書、洊加少保、兼太子太保、一內臣見其東玉、陽爲不識、曰、此帶無乃大理石所爲。

○衣金紫

穆宗登極、詔五品以上致政者進階一級、有一州守被革者、遂稱朝列大夫、衣金紫、其弟亦大僚、忽荒爾曰、恨不數赦吾兄、且腰玉矣。

○諱出外

熙寧中、王仲荀謁一朝士、問者以不在辭之、王勃然叱曰、凡人死稱不在、汝乃敢出此言、問者拱謝曰、然則當何辭、王曰、第云出外可也、問者愀然感額曰、我主寧死、諱却出外字面。

○清涼散

劉子儀不能大用、稱疾不出、朝士問疾、劉云、虛熱上攻、石文定在坐云、只消一把清涼散。

兩府用清涼散也。

○東薪監察

唐趙仁獎在王戎墓側、善歌黃鵬、景龍中、負薪一束詣

闕云助國調鼎卽除臺官中書令姚崇曰此是黃廉耶
授以當州一尉惟以黃廉自銜宋務光嘲之曰趙仁獎
出王戎墓下入朱幄臺中捨彼負薪登茲列指行人不
避驄馬坐客惟聽黃廉有頃見一夫負兩束薪宋指曰
此合拜殿中人問其由曰趙以一束拜監察此兩束豈
不合授殿中

○不語唾

憲廟永年言官噤不敢言朝事孫御醫者素善譏人問
生疥何以愈之曰請六科給事中餌之入問故曰不語

唾可治疥也

言之無擇、不如無言、請看近來章疏、視憲廟時虛實何如、勿欺而犯、吁、難言矣

○元稹

武儒衡在中書時、元稹資綠宦官、得知制誥、儒衡鄙之、會食瓜蠅集其上、儒衡揮扇曰、從何處來、遽集於此

○有氣力

崔湜爲吏部侍郎掌銓、有選人自陳某能翹關負米、湜曰、若壯、何不兵部選、答曰、外人皆云崔侍郎下有氣力

者便得

○泰山之力

張說增鄭鑑隨上封禪以九品驛至五品黃幡綽戲曰此乃泰山之力也泰山有丈人峰故云後人稱婦翁本此

○安石配享

初崇寧旣建辟雍詔以荆公封舒王配享宣聖廟肇初坐像未幾其壻蔡卞方烜赫用事議欲升安石於孟子之上優人嘗因對御戲爲孔子正坐顏孟與安石侍側

孔子命之坐、安石揖孟子居上、孟辭曰、天下達尊、爵居其一、軻僅蒙公爵、相公貴爲真王、何必謙光如此、遂揖顏子、顏曰、回也陋巷匹夫、平生無分毫事業、公爲名世真儒、位貌有間、辭之過矣、安石遂處其上、夫子不能安席、亦遜位、安石惶懼拱手云、不敢、往復未決、子路在外憤憤不能堪、徑趨從祀堂、挽公冶長臂而出、公冶爲窘迫之狀、謝曰、長何罪、乃責數之曰、汝全不救護丈人看取別人家女婿、其意以譏卞也

○○鑽彌遠

史丞相彌遠用事，選者改官多出其門。一日制闕設宴，優人扮顏回宰予。予問回曰：汝改乎？曰：回也不改。回曰：汝何獨改？予曰：鑽遂改。汝何不鑽？回曰：非不鑽，但鑽之彌堅耳。予曰：鑽差矣，何不鑽？彌遠。

有以賄改庶吉士者，假託故事嘲之曰：孔子昔日曾爲館選座師，齊宣王餽兼金萬鎰，因簪筆而就試焉。卷呈，孔子曰：王庶幾改宰我食稻衣錦，私餉舊穀新穀若干。試日，倩游夏代筆，予直晝寢而已。已而送卷，孔子曰：於予與改，顏淵善言德行，乃曰：鑽之彌堅，不

若既竭吾才、吾見其進也。試畢、閱卷、孔子以如愚置之。曰：「回也不改。」他日回請故，曰：「汝輩飄飄巷，出寄百里之命足矣。何復望華選乎？」回因痛哭而死。笑林評曰：「孔子非仲尼，乃孔方兄耳。」

○孔門弟子

嘉定間，選人淹滯，遇內宴，優人扮古衣冠數人，皆稱待選。係是孔門弟子。既而通名，有曰：「常從事者。」有曰：「於從政者。」有曰：「吾將仕者。」各相歎惋。曰：「吾輩久淹於此，日月逝矣，奈何？」旁有一人謂曰：「汝等不在七十二人之列，盍

詣顏閔而請教焉。諸人一時俱往。顏閔同聲答曰：此夫子事也。爾輩須見夫子，及進見，祈哀。夫子不答，衆人因退。而相謂曰：鑽燧改火，期可已矣。吾輩有文學，且畱中國教授，有圭田者，不若退而耕於野也。於是烘然而散。

○韓侂冑

韓侂冑兄弟專權，優人爲日者。有問官祿之期，日者厲聲曰：若要大官，須到大寒；要小官，須到小寒。

嘉泰末年，平原公恃有扶日之功，凡事自作威福，政事皆不由內出。會內宴，伶人王公瑾曰：今日政如客人賣。

傘、不、油、裏、面、

又韓侂胄嘗以冬月攜家遊西湖置宴南園有獻絲
傀儡爲土偶小兒者名爲迎春黃胖韓命族子判院
者咏之卽賦一絕云脚踏虛空手弄春一人頭上要
安身忽然線斷兒童手骨肉都爲陌上塵韓怫然

○五經題

孝宗時程學士敏政主試鬻題優人持雞出曰此雞價
直千金問曰何難而價高如此對曰程學士家名爲五
更啼也

○頭場題

萬曆丙午浙試、一有力者以錢神買初場題中式、主試者鎖闈日、得罪杭郡公、郡公銜之、徹棘後、郡公宴主試、密令優人刺之、其日演荆釵記、無從發揮、至承局寄書、詢李成問足下何來、局答曰、京城來、成曰、有新聞否、曰、關白內款矣、成曰、舊聞、曰、貢方物矣、成曰、何物、曰、一豬、成曰、豬何奇而貢之、曰、絕大、成曰、驢大乎、曰、不止、牛大乎、又曰、不止、象大乎、又曰、不止、成曰、大無過此矣、曰、大不可言、且無論其全體、只豬頭豬腸豬蹄、你道易價幾

何成曰、多少、曰、只頭腸蹄亦賣千金、成曰、何人買得起、
曰、一收古董人家、蓋指中式者、董姓耳、主試聞之、亦頗
不歡而罷、

○鍾庸大鶴

魏了翁既當路、未及有經畧而罷、臨安優人裝一生儒、
手持一鶴、別一生儒與之邂逅、問其姓名、曰、姓鍾名庸、
問所持何物、曰、大鶴也、因傾蓋歡然呼酒對飲、其人大
嚼洪吸、酒肉靡有孑遺、忽顛仆於地、羣數人曳之不動、
一人乃批其頰、大罵曰、說甚中庸大學、喫了許多酒食、

一動也動不得。途一笑而罷。或謂有使其爲此以媚侮君子者。京尹乃悉黥其人。

○刺大言

光化中朱朴好大言。自毛詩博士登庸。對敷之日。面陳時事數條。無言臣爲陛下致之。泊操大柄。一無施展。自是恩澤日衰。中外騰沸。內優穆刁陵作念經行者。至御前。曰。若是朱相。卽是非相。翌日出官。

胡昉大言誇誕。當國者以爲天下奇才。力加薦引。一日語坐客云。朝廷官爵。是買吾曹頭顱。豈不可畏。一客趨。

前云也。買脫空。衆大笑。

○一片白雲

金華一詩人遊食四方。實于謁朱紫。私印云芙蓉山頂一片白雲。商履之曰。此雲每日飛到府堂上。

○○半日閒

有貴人遊僧舍。酒酣誦唐人詩云。因過竹院逢僧話。又得浮生半日閒。僧聞而笑之。貴人問僧何笑。僧曰。尊官得半日閒。老僧却忙了三日。

○○送吏部郎

宋書何尚之遷吏部郎告休定省領朝送別於冶渚及至郡父叔度問相送幾客答曰殆數百人叔度笑曰此○千○古○名○言○是送吏部郎耳何關何彥德事

○孫鳳洲詩

長沙有朝士某者還鄉意氣盈滿賓至鼓吹喧闐一執友來訪朝士問曰翁素好誦詩近日誦得何詩答曰近誦孫鳳洲贈歐陽圭齋詩甚有味乃朗誦曰圭齋還是舊圭齋不帶些兒官樣回若使他人登二品門前簫鼓聞如雷朝士大慚卽輟鼓吹

○照樣應容菴

臨海金賁亨、僊居應大猷以道義相友善、金謝事家居、應復起用、詣金言別、金曰、君此出、他日回來、要將一照樣應容菴還我。

○惜人品

諧史云某司寇講學著名、一日於酒次得遠信、讀畢、慘然欲淚、坐中一少年問其故、答曰、書中云某老生捐館、不佞悲之、非爲其官、惜其人品佳耳、少年應曰、不然、近日官大的人品都自佳、司寇默然。

封公便請鄉飲富家便舉善人中解元會元便推文脉末世通弊賢者不免悲夫

○元祐錢

崇寧初斥遠元祐忠賢禁錮學術凡偶涉其時所爲所行無論大小一切不得志伶者對御爲戲推一參軍作宰相據坐宣揚朝政之美一僧乞給公憑遊方視其戒牒則元祐三年者立塗毀之而加以冠巾一道士失亡度牒問其披戴時亦元祐也剝其羽衣使爲民一士人以元祐五年獲薦當免舉禮部不爲引用來自言卽押

送所屬屏斥已而主管宅庫者附耳語曰今日於左藏庫請得相公料錢一千貫盡是元祐錢合取鈞旨其人俯首久之曰從後門搬入去副者舉所持挺扶其背曰你做到宰相元來也只好錢是時至尊亦解頤

○善天文

張循王

名後

善貨殖伶爲術人善天文者云世間貴人

必應天象用渾天儀窺之則見星不見人今可用一銅錢代令窺帝曰此帝星也窺秦儉曰相星韓世忠曰將星至循王則曰不見星衆駭再令窺之曰終不見星但

見張王在錢眼裏坐滿坐大塚

按張循王家多銀每千兩鑄一毬目爲沒奈何子猶曰本是臭腐之物而父非此不云慈子非此不云孝生非此不遂名非此不立雖大聖大賢大英雄到此只得喚他作沒奈何也

○動手

商則爲廩丘尉值縣令丞多食一日宴會起舞令丞皆動手則但回身而已令問其故則曰長官動手贊府亦動手惟有一箇尉又動手百姓何容活耶

○趙良臣

西堂紀聞、梅西野嘗與邑大夫會飲、論及時事云、先時百姓稱官長、止云某老爹、今則不問尊卑、俱呼爺爺矣、因言吾鄉有趙良臣者、延一西賓教子、其賓避主人諱、至孟子我能辟土地章、改良臣二字爲爺爺、命其子讀云、今之所爲爺爺、古之所爲民賊也。

○江萊蘿刺時語

田大年主政丁憂家居、語江盈科曰、里中人見我貧、有兩種議論、一曰、這人蠢、作縣六年、尚無房住、一曰、這人

巧富而不露說蠢可耐說巧不可耐也江曰里中俗兒重富不重廉說我巧到耐得

○割碑

潁川有姚尚書墓其神道碑穹窿高厚四面均焉國初州人侍郎某者欲割三分之一以刻墓表告之州守守曰何不割三分之二或問其故守曰吾欲使後人割侍郎碑者猶得中分耳侍郎聞之慚悔

○道餘錄

姚廣孝著道餘錄議者非之張洪興曰少師於我厚今

死矣。吾無以報。但見道餘錄。輒爲焚棄耳。

趙挺之嘗曰。鄉中最重潤筆。每一誌文成。則太平車中滿載相贈。黃山谷笑曰。想俱是蘿蔔瓜蓋耳。趙銜之。自是擠排不遺餘力。卒有宜州之貶。

○明文 天話

近日有達官。自刻其文。且問於作者曰。吾文何如古人。或對曰。一代之興。有一代之文。故漢曰漢文。唐曰唐文。公之文可謂明文也。其人不悟。

楊升菴云。漢中有一先輩。諭諸生讀書爲文之法甚悉。

語畢問諸生曰吾言是否一人應曰公天人所言皆天話也。

吳下謂大言曰天話

○鞋底

楊文公億在翰林時草制爲執政者多所塗削楊甚不平因取塗處加以濃墨如鞋底樣題其旁曰世業楊家鞋底人問之楊曰此語見別人脚迹當時傳以爲笑後草制被墨黜者相謔曰又遭鞋底

○耻見妻子

吏部侍郎李迥秀好機警有選人被放訴云羞見來路

李曰從何來曰從浦津關來李曰取潼關路去曰耻見妻子李曰賢室本是相諳亦應不怪

○羅隱不第

沈嵩與羅隱從事浙西幕下主帥出妙妓衆以嫦娥譽之嵩曰嫦娥甚陋安可及帥驚曰書記識嫦娥乎曰嵩兩度到月宮折桂何爲不識

或云嵩此言蓋譏隱之不第也又江南李氏嘗遣使聘越越人問見羅隱給事否使人云不識亦不聞名越人云四海聞有羅江東何拙之甚使人云只爲榜

上無名子猶曰我愛心中錦人尊榜上名

○腹負

党太尉嘗食飽捫腹歎曰我不負汝左右曰將軍不負此腹恨此腹負將軍

言未嘗少出智慮

○書午字

李義安謂富人鄭生生辭以出義安乃於門上大書一午字而去蓋譏牛不出頭也

書牛可對題鳳

○納粟

岐山王生，循故例納粟三千斛，授官助教，以厚價市駿馬騎乘，每不愜意，醫者李生故稱壯健，以爲價賤，王怪問之，李曰：「馱得三千斛穀，豈非壯健耶？」

○邊面

武臣陳理從軍三十餘年，立功十次，謂賀子忱曰：「朝廷推賞，一次輕一次，賀笑曰：『只爲邊面一次近一次。』」

理宗朝欲舉推排田畝之令，廷紳有言未行，至賈似道當國，卒行之，時人嘲之曰：「三分天下二分亡，猶把山河寸寸量，縱使一丘添一畝，也應不似舊封疆。」

此意

○○太平幸民

康定中、西戎寇邊、王師失律、當國一相以老謝去、親知就第爲賀、飲酣、自矜曰、某一山民耳、遭時得君、告老於家、當天下無事之辰、可謂太平幸民矣、石中立曰、只有陝西一夥竊盜未獲、

○○庾亮

庾亮擊蘇峻屢敗、陶侃曰、古○人○三○敗○君○侯○姑○二○當○今○事○急○不○宜○數○敗○

○叢公厲禁

叢蘭巡撫淮安，務汰冗費，未免已甚。一滑稽生進言曰：公尚有禁革未盡者。叢忻然請教。曰：袴以蔽形，今兩股是虛費也。去一存一，所省多矣。叢良久曰：得無不便於行乎？生曰：公但禁之，誰敢言不便者？叢知刺已，乃稍弛厲禁。

○六千兵

國朝保國私役營二千治第，伶人爲誦詩句曰：楚歌吹散六千兵。一人曰：八千也。解者曰：那二千兵爲保國公。

蓋宅去矣

○預借

行都紀事某邑宰因預借違旨遭按而歸某府府將乃
宰公之故舊因留連而燕飲之有妓惠黠得宰罷官之
由時方仲秋忽歌漁家傲十月小春梅蕊綻宰曰何太
蚤耶答曰乃預借也宰大慚

○姐已賜周公

五官將既納袁熙妻孔文舉與曹公書曰武王伐紂以
姐已賜周公曹公以文舉博學信以爲然後問文舉答

曰、以今度之、想當然耳。

○滕甫類虞舜

滕甫有弟申、狠暴無禮、其母獨篤愛、用是數凌侮其兄、而閭政多紊、章子厚與甫舊狎、一日語之曰、公多類虞舜、然亦有不似者、甫究其說、子厚曰、類者父頑母嚚、象傲不類者、克諧以孝耳。

○馬希聲

馬殷卒、子希聲居喪不戚、葬之日、頓食雞臠數盤、其臣潘起譏之曰、昔阮籍居母喪、食蒸豚、何代無賢。

○鴛鴦樓

謝希孟每狎娼。陸象山責之曰。士君子下昵賤娼。獨不
規名教乎。希孟敬謝。請後不敢。他日復爲娼建鴛鴦樓。
陸又以爲言。謝曰。非特建樓。且有記。陸喜其文。不覺曰。
樓記云何。卽口占首句云。自遜抗機雲之死。而天地英
靈之氣。不鍾於世之男子。而鍾於婦人。陸默然。

○妖鳥啼春

方圭好爲惡詩。逢人卽誦數千言。喋喋可憎。一日宋丞
相宴客於平山堂。圭賜譚座上。宋惡之。時望見野外一

牛就樹磨痒。宋顧坐客胡恢曰：青牛恃力在挨樹，恢應曰：妖鳥啼春不避人，合席大笑。圭奮拳擊恢，衆護得免。

○河豚膾本

米元章精於臨摹，每借古畫，卽以臨本并還，還使自擇，人不能辨其真贋也。楊次翁守丹陽，米過郡，畱數日，將去，次翁曰：今日爲君作河豚羹，其實他魚，米遂疑而不食。次翁笑曰：公勿疑此，河豚膾本耳。

米以臨摹奪人書無數，在漣水時，客常戴嵩牛圖，米借畱數日，欲以摹本易之，竟不得。客謂原本牛目中

有攸童、摹則無也。子猶曰：「造偽工，有時窮。」米南宮輸、
戴嵩。

○○元欽師

元欽字思若，色甚黑。時人號爲黑面僕射。欽曾託青州
人高僧壽爲子求師。師至，未幾逃去。欽以讓僧壽。僧壽
性滑稽，反謂欽曰：「凡人絕粒七日乃死，始經五朝，便爾
逃遁，去食就信，實有所闕。」欽乃大慚，自是待客稍厚。

○棘刺丸

孫奉嘗服棘刺丸。李諧戲之曰：「卿應自足，何假外求？」

○刺醫

王仲舒爲郎官，與馬達友善。責達曰：「貧不可堪，何不葬碑誌相救？」達曰：「適見誰家走馬呼醫，君可待也。」

○光福地

袁了凡好譚地理，曾訪地至光福，問一村農曰：「頗聞此處有佳穴否？」曰：「小人生長於斯三十餘年矣，但見帶紗帽者來尋地，不見帶紗帽者來上墳。」袁默然而去。

○陸念先

陸念先口無擇言，時出微詞，乃足絕倒。故與王太守中

曰東坡但願生兒蠢只爲聰明自占多愧我生平愚
且蠢生兒何怕過東坡

○打甲帳

凡交易事居間者索私贈名爲打夾帳馬仲良督許墅
關出羨餘市田以贍學宮其價稍厚一時居間者皆乘
之要利或作語嘲之云子路與申振同坐子路譏申曰
振也慾焉得剛振遂曰由也不得其死然子路大怒愬
之夫子夫子曰罪在振用牌大書打申振三字送子夏
適子夏喪明認字不真驚曰誰人打甲帳

○寓言

子思薦荀變於衛侯。一日子思適衛。變擁篲郊迎。執弟子禮甚恭。變有少子。亦從。子思訝問何人。左右曰。此荀弟。子孩兒。

有夢至上清謁天帝者。見一人戎服帶劔而無首。頸血淋漓。手持奏章而進。其詞曰。訴冤臣秦國樊于期得罪。亡奔在燕。有不了事。衛荊軻借去頭顱一箇。至今本利未還。燕太子丹見證。伏乞追給。天帝覽之。蹙額而言曰。渠自家手脚。也沒討處。何暇還你頭顱。

鍾馗生日、其妹具禮賀之、一大鬼願挑擔去、妹作書云、酒一尊、鬼一箇、挑來與兄作慶賀、兄若嫌鬼小、挑擔的、

明皇與貴妃雙陸，命力士伏地，以背承盤。明皇呼紅貴妃呼六久之，力士在下呼曰：「須放奴婢起來也。」擲擲么。

直隱
腰直

佛經昔者菩薩身爲雀王，慙心濟衆，有虎食獸骨，挂其齒，因餓將終，雀王入口啄骨，日日若茲，骨出虎活，雀飛。

登樹說佛經曰殺爲凶虐其惡莫大虎聞雀誠救聲勃
然恚曰爾始離吾口而敢多言雀速飛去

微詞部終